

Chaute Chrieg i den Aupe

Text/Sprecher: Hans Jürg Zingg

Begleitimprovisation: Wieslaw Pipczynski (Akkordeon)

am afang vom dritte jahrtausig
wo i den aupe
ds klima geng wermer isch worde
hei di alpine schtaate
dr natur
dr chaut chrieg erklärt:

tollküeni sportkriegsminischer
hei sech vo verängstigte parlamänt
ihri arbeitsplatzgarantierende reduitplän
la bewillige

milliarde vo rüchtigsgäuder sy gflosse
i geng me u geng höher glägni vergnüegigsfeschtige
i geng vernetzteri bärgbahnnetz
(*vernetzt isch geng guet* hei di rät u di rätinne tänkt)
i geng grösseri rettigshelikoptergschwader
i geng effizänteri sportkriegschirurgeteam

todesmuetigi wintersportgeneräu
hei ihri schneekanoneverbänd
a dr nullgradgränze positioniert
hei *wasser frei* befohle
u drmit dr kampf
um di letschte abfahrtsschlachtfäuder eröffnet
wo nach anderthaubjahrzähntigem
heudehaftem widerstand
anno zwöituisigzwänzg
beändet isch gsy

zu däm zytpunkt
hei d aupeverchehrsstrategie definitiv
uf wüeschtetourismus
umgsteut

Erstveröffentlichung: Februar-Kaktus 1998